

Kanton Sarajevo
Vlada Kantona Sarajevo

Ministarstvo privrede Kantona Sarajevo
Reisa Džemaludina Čauševića broj 1.
Sarajevo, BiH

N/P Premijer Vlade Kantona Sarajevo, gđin. Edin Forto
N/P Ministar privrede Kantona Sarajevo, gđin. Haris Bašić
N/P Ured za korupciju i upravljanje kvalitetom, gđin. Erduan Kafedžić

PREDMET: Oštar prigovor na proces selekcije i dodjele budžetskih sredstava, po Javnom pozivu za odabir korisnika poticajnih sredstava "Poziv razvoju male privrede" u Kantonu Sarajevo za 2019. godinu.

Poštovani,

Ovim putem prilažemo prigovor kako je više navedeno po Odluci Vlade Kantona Sarajevo broj: 02-05-35648-18/19 od 10.10.2019.godine, na izuzetno neprofesionalan rad, veliki sukob interesa, povlađivanje i ozbiljno kršenje *Pravilnika o postupcima i provođenju Programa razvoja male privrede* Sl. Novine Kantona Sarajevo br. 17/16, 30/16, 42/16 i 21/17, kao i naknadna izmjena *Pravilnika* broj 29/19 kojeg ste objavili dana 18.07.2019. godine, nakon objave Javnog poziva.

Uz obilje nepotizma i stranačko - prijateljskih povlađivanja u svim programima projekta, sa čime je javnost već opsežno upoznata, istog momenta kad je izašao spisak dobitnika (dana 14.10.2019.) bespovratnih sredstava, mi se obraćamo sa prigovorom isključivo za **Program broj 9. pružanje stručne i savjetodavne pomoći za subjekte male privrede.**

Dobitnici grant sredstava po programu broj 9.

1. DQSBH – BH CERT d.o.o.	= 39.800,00 KM	Općina Centar
2. Privredna Komora FBiH	= 26.498,00 KM	Općina Centar
3. Networks INT	= 50.000,00 KM	Općina Centar
4. EFSA - centar za podršku poduzetnicima	= 13.671,00 KM	Općina Stari Grad
5. Serda d.o.o.	= 28.665,00 KM	Općina Novo Sarajevo
6. Privredna Komora Kantona Sarajevo	= 29.350,00 KM	Općina Centar
7. Ekonomski institut	= 45.000,00 KM	Općina Centar
8. CEI Nahla	= 20.080,00 KM	Općina Novo Sarajevo

Ukupno: 253.064,00 KM



U nastavku predstavljamo samo neke od nepravilnosti i kardinalnih grešaka Komisije:

I

Svjesnim i namjernim propustom ste imenovali *Predsjednika komisije za odabir poticajnih grant sredstava za 2019. godinu*, dr. Muamera Halilbašića, koji je u ogromnom sukobu interesa, obzirom da obnaša funkciju Direktora Ekonomskog instituta. Osnivač ekonomskog instituta je Union Banka i Ekonomski fakultet Univerziteta u Sarajevu, čiji je uposlenik i dr. Muamer Halilbašić, izvori: *Registar privrednih subjekata i dr. izvori iz institucija i banke.*

Stoga je Predsjednik Komisije obezbijedio protivpravnu korist i pogodio institucijama u kojima je zaposlen, te nije odbio projektne prijave Ekonomskog fakulteta i Ekonomskog instituta, na čijem je čelu. **Ostvarena je zloupotrebom položaja i protiv pravna korist navedenim institucijama od 58.671,00 KM !**

Uprava fakulteta na čelu sa Dekanesom prof.dr. Jasminom Selimović (mojom ličnom mentoricom na poslije diplomskom studiju), je morala biti involvirana u sve projektne aktivnosti fakulteta, kao i u obnašanje funkcije kolege koji joj direktno odgovara po hijerarhijskoj ljestvici.

Kako je Ministru Privrede Kantona Sarajevo, gđinu. Haris Bašiću, uz šefa ureda za borbu protiv korupcije u Vladi Kantona Sarajevo gđinu. Erduanu Kafedžiću 'pobjegla' ovako ključna i bitna informacija ?!

Zašto niste primijenili ni jednu stavku Pravilnika o sukobu interesa za zaposlenike KS, ureda za borbu protiv korupcije i upravljanja kvalitetom Kantona Sarajevo, koju je potpisao gđin. Kafedžić i na čelu čijeg ureda prima platu poreznih obveznika ?!

Sve originalne dokumente ili kopije sa dokazima i potpisima odgovornih osoba posjeduje eXtea tim, usljed sad već očiglednog ogromnog nezadovoljstva objavom rezultata Javnog poziva, kako od strane šire javnosti tako čak i od strane radnika samog Ministarstva privrede.

II

Grubo ste prekršili i nacionalni sastav aplikanata ili ključ, bez ikakvog poštovanja različitosti (...), kao i sljedeće odredbe Pravilnika o postupcima u provođenju Programa razvoja male privrede:

Pravilnik 17/16, Opće odredbe

Član br. 1.

Stav 1) Jednakopravnost krajnjih korisnika u programu i sl.

Stav 2) Postupci koje uređuje pravilnik po svim stavkama, sa posebnim osvrtom na f) Pouka o pravnom lijeku *Koja nije naznačena na Odluci Vlade Kantona Sarajevo.*

Član br. 12. Načela za davanje prednosti poticaju, stav a), b), c) i d)

Član br. 14., stav 4. ravnomjerna raspoređenost opština u Kantonu Sarajevo (*isto nije slučaj za program broj 9., prevladava opština Centar*) za koju se prijavljuju aplikanti. Prednost imaju aplikanti koji nisu nikad dobili bespovratna sredstva itd.



Izmjene i dopune Pravilnika donesene naknadno broj 29/19

Član 1., izmjene i dopune člana broj 6., stav 7. Izjava o ne pristranosti članova Komisije, dužnost da se prijavi sukob interesa itd.

III

Sredstva od 50.000 KM ste preusmjerili od eXtea ili drugih pravnih lica i namjenili za javnu komercijalnu konferenciju u trajanju od tri dana u periodu od 22. – 24.10.2019. godine. Konferencija Unlimited se ne ograničava uopšte na Kanton Sarajevo, to je također konferencija koju sponzorišu neke od najjačih kompanije iz svijeta IT-a, kao i finansijskih tehnologija. Tu su svakako kao sponzori i domaće kompanije vrlo upitne prošlosti, optrećene nizom teških afera zajedno sa menadžmentom koji ih predstavlja (...)

Na Unlimited-u ste također i govornici (gdin. Forto i gdn. Bašić), opet ulazimo u zonu povlađivanja, stoga u segment mentorstva za mala i srednja preduzeća u Javnom pozivu, odobravate finansijski iznos konferenciji šest radnih dana prije samog početka iste. Tačnije konferenciji koja nema apsolutno nikakve povezne tačke sa mentorstvom za mala i srednja preduzeća.

Naime, da Vas podsjetim, konferencija je orjentisanan na Start up firme, pametne gradove i digitalizaciju, sa samo jednim panelom o preduzetništvu u tri dana, od svega 45 minuta.

Stoga po matematici ispada da je Ministarstvo privrede Kantona Sarajevo odobrilo dnevno na konferenciji potrošiti 16.667 KM, za namjenu i svrhu iz programa kojoj Networks, sa opisom konferencije uopšte ne pripada ?!

Izvršili ste i javno pogodovanje Networksu, te ste u sam Javni poziv naznačili ime potencijalnog dobitnika po programu broj 9., SERDA i Networks što niste nikako smjeli. Ostale nepravilnosti po ostalim programima neću ni spominjati.

eXtea d.o.o. Sarajevo je toliko dobro spremila projekat i detaljno i formalno, po svim stavkama, troškovima, analizama, obezbjedila tim vrhunskih stručnjaka koji će raditi 'pro bono' većinu vremena. Tim stručnjaka koji ne možete naći u akademskoj zajednici, sa toliko praktičnog iskustva i znanja uz ljude eksperte sa psihološkom podrškom.

A Vi ste se pozvali u nemogućnosti iznalaženja greške na pogrešan član Pravilnika iz 2016. godine, tačka 16. stav (6), da nas odbijete zbog 6 mjeseci implementacije !

Mi ćemo od svojih sredstava izvršiti ostalo finansiranje kako bi projekat bio dugoročan i po Pravilniku imao sveobuhvatan dugoročni interes za Kanton Sarajevo i privredu Kantona, jer takvi projektni prijedlozi imaju prioritet.

Proučite ponovo detaljno *Pravilnik* od prvog objavljenog izdanja, do zadnjeg koji ste objavili dana 18.07.2019. broj 29/2019. !

Član 16. stav (6) se odnosi na primjenu pri Ugovaranju i pisanju samog Ugovora, te vremenskog perioda kad se projekat već odobrio od strane Komisije, stoga se slažemo apsolutno da potrošimo zahtijevana sredstva u roku od 6 mjeseci, možete to inkorporirati u Ugovor, imate moju saglasnost. Ako Networks može u roku 3 dana, za namjenu koja uopšte ne spada u Program broj 9., možemo i mi u roku 6 mjeseci, za namjenu koja spada u program broj 9., ostatak projekta će se finansirati po vremenskoj crti projektnog prijedloga od naših vlastitih sredstava.



Društvo eXtea d.o.o. Sarajevo nije politički eksponirano, nije nikad bilo i neće biti, naš profesionalizam nema granica i politika nam ne treba da bi uspjeli, ni na domaćem ni na međunarodnom tržištu. Naši uposleni i svi angažovani eksperti su stručnjaci svjetskog nivoa, na izuzetno visokim pozicijama i sa visokim međunarodnim obrazovanjem. Stoga ne možemo i nećemo da se pomirimo sa svim više navedenim krajnje amaterski odrađenim selekcionim procesom Ministarstva Privrede, uz podršku Vlade Kantona Sarajevo.

Očekujem promptnu reakciju tj. ispravke i dopune Odluke o finansiranju programa broj 9., eliminaciju subjekata koji apsolutno ne spadaju u ovaj program po prirodi žestokog sukoba interesa, kao i ne osnovanoj dodjeli sredstava za totalno drugu tj. pogrešnu namjenu, koja je već finansirana od strane velikih komercijalnih sponzora 'Unlimited' konferencija. Da Vas podsjetim na sponzore Unlimiteda: Mastercard, CISCO i UniCredit Bank.

Direktno ste namjenski budžet za odličnu svrhu i ideju oštetili za iznos od 108.671 KM, samo po jednom programu broj 9. (Ekonomski fakultet, Ekonomski institut i Networks).

Krajnji rok za pismenu obavijest Društvu eXtea d.o.o. Sarajevo, o svim poduzetim radnjama koje planirate sprovesti kako tražimo više navedeno, je 18.10.2019. godine, najkasnije do 13:00 h.

U slučaju da promptno ne ispravite navedene kardinalne greške i ne prihvatite eXtea projektni prijedlog koji zadovoljava apsolutno sve svjetske standarde: formalno, pravno i stručno, naš tim pravnička će zajedno sa Upravom svakako biti prinuđen upoznati širu javnost sa ovim dopisom direktno, svim postupcima, greškama, imenima i cjelokupnim dokaznim materijalom.

Očekujte i javno obraćanje Vladi Kantona Sarajevo, putem svih medija, što svakako uključuje i tim istraživačkog novinarstva (...). Izvršit ćemo i pojedinačne tužbe ispred eXtea Društva, Općinskom Sudu u Sarajevu, za tešku zloupotrebu radnog položaja, funkcije, lažiranja, lobiranja i sl. u svrhu sticanja materijalno značajne protiv pravne koristi.

Dokazano je ogromno ne transparentno raspolaganje značajnim iznosima javnog novca, poreskih obveznika Kantona Sarajevo !

Vjerovat ću sa dozom rezerve, da u detalje nije bio involviran Premijer gdn. Edin Forto, jer u suprotnom nije uopšte svjestan daljnjih pravnih i javnih reperkusija, te težine dokumenta tj. Odluke koju je potpisao, opet greškom (?)!

S poštovanjem,



Kristina Miklavčić, MBA
Ovlašteni Interni revizor

Direktorica Društva

Sarajevo, 14.10.2019. godine.